



COMUNU DE MASAINAS

AVISU

TORRANT A OBERRI TÈRMINIS DE PROTZEDURA DE INDIVIDUATZIONI DE IS CUMPLEMENTIS DE SA CUMPANGIA DE IS BARRACELLUS

S'Amministratzioni Comunali FAIT SCIRI a is chi funt interessau ca cun determinatzioni de su Responsàbili de su setori n. 285/2022 ant torrau a aberri is tèrminis po sa presentatzioni de is istàntzias po sa protzedura de individuatzioni/seletzioni de is cumplementis de sa Cumpangia Barracellari chi est fasi de costituzioni.

Totus is funt interessaus e chi tenint is recuisius arricchèdidus de sa L.R. 25/1998 e de su regulamentu comunali relatiu aprovau cun deliberatzioni de C.C. n.55/21 podint presentai sa rechesta de partecipatzioni a sa seletzioni oberendi su mòdulu aprontau de s'Amministratzioni (si podit scarrigai de su situ www.comune.masainas.ci.it o si podit agatai in is ufitzius comunalis opuru incrachendi custu [link](#)) chi depit arribai a su comunu non prus a trigadiu de su **30 de CABUDANNI 2022**.

Is recuisius po podi fai parti de sa cumpangia stabilius de sa L.R. 25/1998 e de su regulamentu comunali arremonau in antis funt is afatantis:

- a) èssiri magiorenni e non tenni prus de 65 annus de edadi;
- b) gosai de is deretus tzivilis e polìticus;
- c) no ai tentu cundennas a penas detensiva po delitu non colposu e no essi stètiu sutapostu a measuras de preventzioni;
- d) no essi stètiu bogau de is Fortzas Armadas o de corpus organizau a manera militari o essi stètiu destituiiu de is pùbblicus ofitzius;
- e) ai acumpriu s'òbligiu scolàsticu o in casu contràriu, donai prova de sciri ligi e scriri;
- f) idoneidadi fisica;
- g) su de si podi obligai in manera vàlidi;
- h) èssiri a règula cun is òbligis militaris.

Is cumplementis de sa Cumpangia etotu ant a eligi is Uftzialis e is Graduaus a scrutìniu segretu.

Non podint fai parti de is cumpangias de barracellus is chi, mancai tengat in recusius e ant fatu parti de àteras cumpangias, no apant torrau is contus in manera regulari a s'iscadèntzia prevèdia, apant abusau de is fundus o siant stètius esclùdius o revocaus.

In prus sa càrriga de cumponenti de is cumpangias barracellaris no est cumpaibili cun sa de cumponenti de su consìliu comunali de su Comuni chi appartenit sa cumpangia.

Sa Cumpangia est cumposta de unu mìnimu de 10 fintzas a unu màssimu de 60 cumponentis, chi ant a essi scioberaus de sa Giunta comunali (fatu chi siat s'atziertamentu de is recuisius psico-fiscus) de acòrdiu cun su capitane nomenau formalmenti de su Sìndigu. Pustis s'elencu de is cumponentis de sa Cumpangia at a essi sutapostu a s'aprovatzione de su Consìliu, chi fata chi siat s'atribuzioni de sa cualifica de Agenti de PS de parti de sa Prefetura cumpetenti, aprovat s'elencu de is Barracellus e sa costituzioni de sa Cumpangia.

Si arregordat ca sa Costituzioni de sa Cumpangia si fai in su respetu de su printzìpiu de voluntariu

Si arregordat ca sa Costituzioni de sa Cumpangia si fait in su respetu de su printzìpiu de voluntariu.

DONEI ATENTZIONI: s'osservàntzia de su printzìpiu de su voluntariu no escludid chi is prestazioni de sa Cumpangia de is barracellus potzent essi retribuiss e is ùtilis partzius intr'e is cumponentis, sigundu su gradu e is funtzionis de doniunu.

Su Sìndigu
F.au dot. G. L. Pittoni

Furriau in sardu a in curu de su servìtziu de Sportellu Lìngua Sarda – Progetu "Atòbius e Fueddus" finantziu cunformas a sa lei 482/99 e L.R. 22/2018 annualidadi 2021.